

DRS. TICO CROES, MIEMBRO DI PARLAMENTO FRACCION AVP, A DIRIGI UN CARTA NA SR. L.S. DE CUBA DI E FRACCION DI MEP CUAL E TA CONSIDERA:

CARTA ABIERTA NUMBER 2

ORANJESTAD (IPA-JSH*) Ayera diahuebs 15 di Juli 1993 Drs. Tico Croes miembro di Parlamento pa partido AVP a dirigi un carta pa miembro di Parlamento pa partido MEP sr. L.I. de Cuba y cual e ta considera como Carta Abierta number 2.

E carta su contenido ta como lo siguiente; Colega; Ningun momento ta mi intencion, di cuminsa un correspondencia cu Bo ariba e topico di e imouesto di ladronia, cu Bo Gobierno tin intencion di planta ariba pueblo, pero naturalmente mi no por laga colga cu loke Boso nan kier haci cu pueblo, por tin lo minimo di hustificacion.

E hecho cu mi a yama Bo politico nobo, mientras cu Bo kier meen cu Bo ta ariba lista di MEP desde 1985 y cu Bo a bai ariba lista

di MEP, ariba invitacion di defunto Betico Croes, ta un error di "slordigheid" di mi banda. Loke cu mi tabata kier meen tabata cu awor cu Bo ta un Parlamentario nobo. MEA CULPA.

Si mi ta kere cu ta importante pa resalta e hecho, ya cu Bo ta considera un honor cu ta riba invitacion di e defunto Betico Croes, Bo a bai ariba lista di MEP, cu awor mas cu nunca na vispera di e medidanan cu BO gobierno kier introduci, pa castigá nos pueblo, mester recordá su palabranan profético pa Nel Oduber na 1984, cu e mester baha, pasobra e ta sink Aruba.

Si Bo mira cu wowo habrí, kico ta sosodiendo awor, Bo lo ta di acuerdo cu mi y cu defunto Betico Croes, si e tabata na bida awe, lo a



ripiti e mesun palabranan aki.

A. Ora Bo bisami cu si tin corrupcion, ladronia y mentiran den e gobernacion cu Bo ta sostene, mi lo mester acudi cerca Ministerio Publico, ta un zet tipico di e mentalidad di awe cu tin MEP venena.

Abo tambe sa cu si Bo duna swa of ruman un promocion den gobierno,

esaki ta corrupcion, pero no tin ningun polis cu por sera Bo.

B. Bo tambe sa cu si Bo pone 1200 of 2000 amigo politico ariba payroll di gobierno, pasobra nan a yuda BO den campaña, Bo ta hortando placa di pueblo, na un manera sin escrupulo, pero no tin ningun polis cu por sera Bo.

Bo observacion cu ta 1200 hende so a wordo hincá den gobierno ta sona como si fuera esaki ta e cos di mas normal den mundo.

Cu e ta costa nos pueblo alrededor di 80 miyon florin extra pa aña, ta sona como algo irrelevante pa Bo.

Esaki ta e diferencia di mentalidad entre nos dos partidonan: pa AVP cada cent di nos pueblo ta algo sagrado y por lo tanto mester cuida cu tur dedicacion.

C. Ademas Bo ponencia cu ta trata aki di trabao pa tata di famia, lo tabatin tur validez, si en caso cu na Aruba tabata reina desempleo y cu gobierno por lo tanto lo mester a cumpli cu un funcion social y humanitario.

Pero esaki no ta e caso y Aruba tabatin trabao pa tur Arubiano, cu ta desea esaki y e unico cos cu Boso a haci den e cuatro añanan aki, tabata kita trahador for di sector priva y hincanan den gobierno, pa logra haña voto y importa un gran cantidad di stranhernan, pa haci e trabao cu e hendenan aki tabata haci.

No a importa Boso cu esaki no solamente a causa cu pueblo mester paga mas placa, pa tur e hendenan cu Boso a pone den gobierno y cu Boso de paso a crea tambe un problema social grandi cu e presencia di un gran cantidad di trahadornan stranhernan pa haci e trabao u ehendenan aki tabata haci.

No a importa Boso cu esaki no solamente a causa cu pueblo mester paga mas placa, pa tur e hendenan cu Boso a pone den gobierno y cu bisi de paso a crea tambe un problema social grandi cu e presencia di un gran cantidad di trahadornan stranhernan.

Cu e trahador arubano a perde oportunidad, cu e no por haña un mihor salario y cu e Arubiano di awe ta biba menos sigur cu antes no ta importa Bo gobierno.

Pa esaki tampoco tin

pòlis pa sera un hende.

D. Abo tambe sa cu ora negoshi a ser hací cu permiso di trabao pa estanhernan y cu a prueba esaki den caso di oficina di abogado di ex-ministro di husticia y cu vende auto di pueblo pa cinco florin na amigonan politico tampoco tin polis pa sera Bo.

E. Si Bo bisa cu e garantianan ta e motibo pa tuma medida, mientras di otro banda Bo mes ta admiti, cu nan no a costa ningun cent ainda, e ora esaki ta un mentira flagrante, pasobra e medidanan ta pa paga gastonan cu tin awor, manera cu e propio rapport di expertonan di 4 di Juni 1993 ta indicá y no pagastonan di futuro.

Den e mesun rapport aki e propio comision ariba pagina 5 ta expresá, cu mirando e situacion caotico financiero pa no reservá ningun cent pa garantia e aña aki.

Si gobièrno ta desea, gobièrno por cuminsa reservá placa na 1994, segun e comision.

Bo ponencianan anto ta basa ariba puro mentira, segun e propio comision.

F. Pa loke ta trata e garantianan mi kier enfatisá pa miho Bo gobierno no paga ningun cent ariba nan pasobra no tin ningun mester.

E Italianonan ta pagando e placa cu banconan ta cobrando, pasobra nan tambe sa cu fuera di e gobierno di MEP, cu a boycotea tur proyecto di turismo y no a controlá e construccion di e hotelnan aki, nan tambe ta complicé den e escandalo di e proyectonan.

AVP ta exigí pa prome cu paga un cent na cualkier garantia, dun door door di gobierno di AVP pa acerca Staten promer pa Saten aproba e pagonan aki.

Nos lo mira kendenan lo entrega un biaha mas na multinacionnalen strahero.

Colega, Bo reccion a confrima e mentalidad cu mi tabata teme cu lo a sali na cla, y cu ta cuadra completamente cu e mentalidad di MEP cu awor pa di dos biaha ta sink nos pais. tempo lo mestra cu Bo escogencia cu Boso kier introduci.

Mi fe den e pueblo aki ta asina grandi cu mi ta sigur cu pueblo lo no permiti pa Boso sink Aruba atrobe. Pueblo lo tuma den su man e autoridad cu e tin pasobra pueblo ta e unico soberano, carta di Tico Croes dirigi na miembro di Parlamento Luis S. de Cuba ta termina bisando.